



Broj: 01/1-50-1-1-95/10
Sarajevo, 19.3. 2010. godine

Z A P I S N I K

95. sjednice Ustavnopravne komisije

Sjednica je održana 19. 3. 2010., s početkom u 10 sati.

Sjednici su prisustvovali članovi Komisije: Šefik Džaferović, Martin Raguž, Adem Huskić, Velimir Jukić, Lazar Prodanović, Ekrem Ajanović i Momčilo Novaković.

Članovi Komisije Drago Kalabić i Halid Genjac nisu prisustvovali sjednici.

Osim članova Komisije, sjednici su prisustvovali predstavnici: Ministarstva civilnih poslova BiH Suvad Džafić, Instituta za intelektualno vlasništvo BiH Lidiya Vignjević, USAID-a Nedim Hogić, poslanik Husein Nanić, iz Zakonodavno-pravnog sektora PSBiH Aida Kreho i Alma Salkić- Mijić te iz Sektora za odnose s javnošću PSBiH Medina Delalić.

Sjednici su prisustvovali i sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje Zapisnika 94. sjednice Ustavnopravne komisije, održane 3.3.2010.;
2. Prijedlog zakona o autorskim i srodnim pravima, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
3. Prijedlog zakona o kolektivnom ostvarivanju autorskih i srodnih prava, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
4. Prijedlog strategije razvoja sporta u Bosni i Hercegovini, predlagač: Vijeće ministara BiH (**razmatranje strategije u skladu s članom 41. stav (2) Poslovnika Doma**);
5. Ostala pitanja:
 - a. Prijedlog prečišćenog teksta Zakona o ravnopravnosti spolova u Bosni i Hercegovini (**razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma**);
 - b. Dopis Ureda za reviziju institucija BiH, broj: 01-11-02-1-419/10, od 16.2.2010. (**razmatranje zahtjeva u skladu s članom 41. stav (2) Poslovnika Doma**);
 - c. Dopis Regulatorne agencije za komunikacije BiH, broj: 03-02-448-1/10, od 23.2.2010. (**razmatranje zahtjeva u skladu s članom 41. stav (2) Poslovnika Doma**);
 - d. Zahtjev za autentičnim tumačenjem odredbi člana 26.stav (1) tačka e) i člana 27. Zakona o plaćama i naknadama u institucijama BiH („Službeni glasnik BiH“, br. 50/08, 35/09 i 75/09), podnosilac: Ministarstvo finansija i trezora BiH (**razmatranje zahtjeva u skladu s članom 137. stav (4) Poslovnika Doma**);
 - e. Zahtjev za autentičnim tumačenjem odredbi člana 2. stav (1) i člana 9. stav (6) Zakona o Agenciji za osiguranje u Bosni i Hercegovini („Službeni glasnik BiH“, broj 24/05), podnosilac: Agencija za osiguranje u BiH (**razmatranje zahtjeva u skladu s članom 137. stav (4) Poslovnika Doma**);
 - f. Zahtjev za autentičnim tumačenjem člana 10. stav (5) tačka c) Zakona o poštama BiH („Službeni glasnik BiH“, broj 33//05), podnosilac: Agencija za poštanski saobraćaj BiH (**razmatranje zahtjeva u skladu s članom 137. stav (4) Poslovnika Doma**);

- g. Zahtjev za autentičnim tumačenjem Općeg zakona o zadrugama Bosne i Hercegovine („Službeni glasnik BiH“, br. 18/03 i 55/06), podnosilac: Kantonalno tužilaštvo Hercegovačko-neretvanskog kantona (**razmatranje zahtjeva u skladu sa članom 137. stav (4) Poslovnika Doma**);
- h. Obavještenje Kolegija Predstavničkog doma, broj:01-50-2-55/10, od 22.2.2010.

Ad.1. Usvajanje Zapisnika 94. sjednice Ustavnopravne komisije, održane 3.3.2010.

Ustavnopravna komisija je bez rasprave jednoglasno usvojila Zapisnik 94. sjednice.

Ad.2. Prijedlog zakona o autorskim i srodnim pravima, predlažać Vijeće ministara BiH (postupak u nadležnoj komisiji u skladu s članom 110. Poslovnika Doma)

Predsjedavajući Ustavnopravne komisije otvorio je raspravu o Prijedlogu u kojoj su učestvovali: predstavnik Instituta za intelektualno vlasništvo Lidija Vignjević i članovi Komisije Momčilo Novaković, Šefik Džaferović, Martin Raguž, Ekrem Ajanović, Lazar Prodanović i Adem Huskić.

Nakon rasprave, Ustavnopravna komisija jednoglasno je odlučila da od Kolegija Predstavničkog doma zatraži produženje roka za dostavljanje izvještaja o navedenom prijedlogu zakona za 30 dana, s obzirom da je posljednjeg dana isteka roka na Prijedlog zakona podneseno ukupno 67 amandmana.

Ustavnopravna komisija je od Vijeća ministara BiH zatražila izjašnjenje o svakom podnesenom amandmanu i dostavljanje izvještaja o dosadašnjoj primjeni Zakona o autorskom pravu i srodnim pravima.

Ad.3. Prijedlog zakona o kolektivnom ostvarivanju autorskih i srodnih prava, predlažać: Vijeće ministara BiH (postupak u nadležnoj komisiji u skladu s članom 110. Poslovnika Doma)

Nakon rasprave, Ustavnopravna komisija jednoglasno je odlučila da od Kolegija Predstavničkog doma zatraži produženje roka za dostavljanje izvještaja o navedenom prijedlogu zakona za 30 dana, s obzirom da je posljednjeg dana isteka roka na Prijedlog zakona podneseno ukupno 86 amandmana.

Ustavnopravna komisija je od Vijeća ministara BiH zatražila izjašnjenje o svakom podnesenom amandmanu i dostavljanje izvještaja o dosadašnjoj primjeni Zakona o autorskom pravu i srodnim pravima.

Ad.4. Prijedlog strategije razvoja sporta u Bosni i Hercegovini, predlažać: Vijeće ministara BiH (razmatranje strategije u skladu s članom 41. stav (2) Poslovnika Doma)

Predsjedavajući Ustavnopravne komisije otvorio je raspravu o Prijedlogu strategije u kojoj su učestvovali: predstavnik Ministarstva civilnih poslova BiH Suvad Džafić i članovi Komisije Martin Raguž i Adem Huskić.

Nakon rasprave, jednoglasno je odlučeno:

- Ustavnopravna komisija jednoglasno podržava donošenje Strategije razvoja sporta u Bosni i Hercegovini.

- Imajući u vidu značaj ovog dokumenta, Komisija jednoglasno predlaže Predstavničkom domu da donose zaključak kojim zadužuje Ustavnu pravnu komisiju da o Prijedlogu strategije organizira javnu raspravu te da Domu dostavi izvještaj radi konačnog usvajanja Strategije razvoja sporta u Bosni i Hercegovini.

Ad.5. Ostala pitanja:

a. Prijedlog prečišćenog teksta Zakona o ravnopravnosti spolova u BiH (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma)

Predsjedavajući Ustavno pravne komisije otvorio je raspravu o Prijedlogu u kojoj su učestvovali član Komisije Ekrem Ajanović i predsjedavajući Šefik Džaferović.

Ustavno pravna komisija je, sa šest glasova „za“, bez glasova „protiv“ i jednim „suzdržanim“ glasom, utvrdila prečišćeni tekst Zakona o ravnopravnosti spolova u BiH.

b. Dopis Ureda za reviziju institucija BiH, broj: 01-11-02-1-419/10, od 16.2.2010. (razmatranje zahtjeva u skladu s članom 41. stav (2) Poslovnika Doma)

Ustavno pravna komisija razmatrala je zahtjev Ureda za reviziju institucija BiH i nakon rasprave jednoglasno odlučila da se zahtjev Ureda primi na znanje i uvrsti u druge materijale koje je Ustavno pravna komisija primila u vezi s predstojećim ustavnim reformama.

c. Dopis Regulatorne agencije za komunikacije BiH, broj: 03-02-448-1/10, od 23.2.2010. (razmatranje zahtjeva u skladu s članom 41. stav (2) Poslovnika Doma)

Ustavno pravna komisija razmatrala je zahtjev Regulatorne agencije za komunikacije BiH i nakon rasprave jednoglasno odlučila da se obavijesti Regulatorna agencija za komunikacije BiH da je Ustavno pravna komisija, povodom sličnog zahtjeva Ureda za reviziju institucija BiH, uputila Vijeću ministara BiH prijedlog da Ministarstvo pravde BiH pripremi prijedlog izmjena Zakona o ministarstvima i drugim organima uprave BiH i dostavi ga u zakonodavnu proceduru.

d. Zahtjev za autentičnim tumačenjem odredbi člana 26.stav (1) tačka e) i člana 27. Zakona o plaćama i naknadama u institucijama BiH („Službeni glasnik BiH“, br. 50/08, 35/09 i 75/09), podnosilac: Ministarstvo finansija i trezora BiH (razmatranje zahtjeva u skladu s članom 137. stav (4) Poslovnika Doma)

Predsjedavajući Ustavno pravne komisije otvorio je raspravu o Prijedlogu u kojoj su učestvovali predstavnik Ministarstva finansija i trezora BiH Ranko Šakota i članovi Komisije Martin Raguž, Momčilo Novaković i Adem Huskić.

Komisija, s dva glasa „za“, četiri glasa „protiv“ i jednim „suzdržanim“ glasom, nije prihvatila prijedlog da se Zahtjev za autentično tumačenje dostavi nadležnoj komisiji na daljnje postupanje.

- Nakon rasprave Ustavno pravna komisija je, s pet glasova „za“, dva glasa „protiv“ i bez „suzdržanih“ glasova, ocijenila da su odredbe člana 26.stav (1) tačka e) i člana 27. Zakona o plaćama i naknadama u institucijama Bosne i Hercegovine jasne i da ih nije potrebno tumačiti.
- Postupak za autentično tumačenje navedenih pravnih normi obustavlja se.

e. Zahtjev za autentičnim tumačenjem odredbi člana 2. stav (1) i člana 9. stav (6) Zakona o Agenciji za osiguranje u BiH („Službeni glasnik BiH“, broj 24/05), podnosilac: Agencija za osiguranje u BiH (razmatranje zahtjeva u skladu s članom 137. stav (4) Poslovnika Doma)

- f. Zahtjev za autentičnim tumačenjem člana 10. stav (5) tačka c) Zakona o poštama Bosne i Hercegovine („Službeni glasnik BiH“, broj 33//05), podnosilac: Agencija za poštanski saobraćaj BiH (razmatranje zahtjeva u skladu s članom 137. stav (4) Poslovnika Doma)**

Komisija je jednoglasno odlučila da se razmatranje ove dvije tačke dnevnog reda odgodi za sljedeću sjednicu s obzirom da sjednici Komisije nije prisustvovao niko od predstavnika Vijeća ministara BiH.

- g. Zahtjev za autentičnim tumačenjem Općeg zakona o zadrugama BiH („Službeni glasnik BiH“ brojevi:18/03 i 55/06), podnosilac: Kantonalno tužilaštvo Hercegovačko-neretvanskog kantona (razmatranje zahtjeva u skladu sa članom 137. stav (4) Poslovnika Doma)**

Nakon rasprave, Ustavnopravna komisija jednoglasno je ocijenila da se Zahtjev ne odnosi na autentično tumačenje jer podnosilac traži pravno mišljenje u vezi s praktičnom primjenom pravnih normi.

- h. Obavještenje Kolegija Predstavničkog doma, broj:01-50-2-55/10, od 22.2.2010.**

Ustavnopravna komisija razmatrala je Obavještenje Kolegija Doma i nakon rasprave jednoglasno zaključila da je Poslovnik o ovom pitanju jasan i da će Ustavnopravna komisija nastaviti postupati po dosadašnjoj praksi u skladu s Poslovníkom.

Sjednica Komisije završena je u 11,30 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović